

EPITOME HISTORIAE

DE ORIGINE, ET INSTITVTO
FRATRVM EREMITARVM

Ordinis

S. PAVLI PRIMI EREMITAE:

AVCTORE

R. P. PAVLINO KLODAVSKI

Sac. Theol. Doct. ac Socio Reuerendissimi

P. Martini Gruskouich Generalis,

conscripsum Anno Dñi 1635.

*Est per P.F. IOANNEM VANOVICZI Hungarum
eiusdem Ordinis, Collegij Germanici & Hungarici Alu-
mnum in lucem editum Anno Domini 1639.*



ROMAE, Ex Typographia Hæredum Francisci
Corbelletti. M. DC. XXXIX.

SUPERIORVM PERMISSV:

*Preeminenti ac Illustrissimo Collegio Romano eiusq; Bibliothecæ
donat, indigne & tametsi Vanoviczi Ordinis S. Pauli
Primi Eremitæ Collegij Ger. & Hung. Alumnus
[Signature]*

Imprimatur, si videbitur Reuerendiss. P. Ma-
gistro Sacri Palatii Apostolici.

I. B. Episc. Camer. Vicefg.

Imprimatur.

Fr. Reginaldus Lucarinus, Reuerendissimi
P. Sac. Pal. Apost. Magistri Socius.

CONFIDENS



Tibi derelictus est pauper
psalm 7

S Paulus primus Eremita

VR. Dni 1659 Romæ VR



ILLVSTR.^{MO} AC REV.^{MO} DOMINO⁵
DOMINO

GEORGIO IAKOSITH
DE ORBOVA

EPISCOPO VVESPRIMIENSI,
lociq; ac Comitatus eiusdem Supremo, ac perpetuo Comiti, Sacrae Caesareae, Regiaeq; Maiestatis Consiliario, ac per Regnum Hungariae Reginali Cancellario, &c.

Domino, & Patrono benignissimo F.



*VIS felicem ac salutarem solitudinis vastissimae Thebaeorum, Palmā illā, quae Antesignano familiae Paulinae Paulo Eremitae nonaginta octo annorum spatijs victum & vestitum praebebat (testante * D. Hieronymo) laudibus non extollat? Palma es felicissima Praesul Illustrissime; fortis illa, tua acta fortissima: Illa fructus profert nonnisi annosa, at fru-*

A 3 ctus

* S. Hieronymus in vita S. Pauli Primi Eremitae, q. vide in to. 4. Surj die 15 I. c. nuarij.

etus tuos in florentissima etate quis non admire-
 tur? Fructus eius suauitate iucundi, at fructus
 operum tuorum suauissimos quos profers in red-
 emptione animarum à Fide Orthodoxa & Catholica
 aberrantium non adæquat, illa folijs densissimis
 unius Pauli corpusculum contexit, Tu virtute
 tua eximia Inclytum Hungariæ Regnum prote-
 gis, & authoritate diuina prouidentia tibi concessa
 regis; Familiamq; Paulinam vestigijs tuorum
 Antecessorum Antistitum VVesprimiensium insists
 totam tegis liberalitate. Etenim cum Patria Te
 Præsulem Thiara dignum, Te Pastorem vigilan-
 tissimum, Te promotorem Religiosorum singularis-
 simum omnes & singuli una voce pronuntient: Ro-
 ma quoque (& licet iam antea virtutes tuas præ-
 claras in Collegio Germanico & Hungarico studijs
 inuigilantis æstimaret) ut virtutes tuas in emin-
 tiori folio solidatas varijs vijs admiraretur iure optimo
 promereris. Quare id quod Tibi Præs. Illustr. offero,
 obtulerat Auctor, pie recordationis Familiæ Pau-
 line pio Generali, qui conspexit quidem opus
 compendiosum, non nouum, sed nouiter ex vetu-
 stissimis tam manuscriptis, quàm impressis Codici-
 bus, & Annalibus Eremitarum collectum; conspe-
 xit

7
cât inquam, & veluti opus dignum luce, in poste-
ritatesq; deriuatione, laudauit, approbauit. Verùm
cum vita humana, non humano, sed diuino subia-
ceat arbitrio, propter mortem prematuram impres-
si operis suauitate oculos oblectare non poterat.
Paulinus Auctor qui Paulinæ Familiæ ortum &
initium inuestigauit laudem non aucupatur, licet
eius laudabilis virtus cum Prouincialem Eremita-
rum in Polonia ageret, tam latè se se effunderet,
ut omnibus non modo grata, sed & fructuosa vi-
deretur. Vnde quod ille diligentissimè collegit, illud
non modo Tibi, sed nobis omnibus, alijsq; scire cu-
pientibus ortum Eremiticæ stirpis, periucundum
gratumq; spero fore futurum. Epitome igitur Ere-
miticum, cum eius sit excellentiæ, ut hereditatem in
Fratres Paulinos ab Antesignano Paulo Thebeo,
eiusq; Hospite diuina prouidentia Antonio deriua-
tam, veluti in speculo mortales intueantur, contem-
plentur, admirenturq; Tibi dicandum statui, ut
si parùm ab Authore obtinuerit concinnitatis, à
Tua gratia Præsul Illustrissime consequatur mul-
tum protectionis & fauoris. Denique Ortum
Paulinum breuissimè enucleatum, ea animi bene-
uolentia qua solent ampla volumina suscipi, suscipe,
Tuo

Tuoq; singulari ac benigno Patrocinio ortum bre-
uem in longam seriem, ut cepisti, digressis dilatare.
Vale, & cum prosperitate, Deo duce, Roma in
Hungariam reuertere. Romæ in Collegio Germa-
nico & Hungarico die 19. Iunij Anno 1639;

Illust.^{ma} ac Ren.^{ma} D. Vestre

Seruus deuotissimus

Pater Fr. Ioannes Vanonici
O.S.P.P.E. Colleg. Germ-
& Hung. Alumnus.

E P I T O M E

DE ORIGINE, ET INSTI- tuto Fratrum Eremitarum Or- dinis S. Pauli Primi Eremitæ .

C A P V T P R I M V M .

Vita Eremitica unde, & à quo prodijt .

§. I.



IRGA Eremiticæ stirpis non in su-
perbis domibus Urbium, nec in a-
mœnis, & voluptuosis mundi hor-
tis, sed in humili, aspera, & con-
densa Ægypti Eremo prodijt, de
radice Sancti Pauli Thebæi primi Parentis, & ge-
nitoris omnium Anachoretarum. Qui Thebai-
de in Ægypto Anno à Christo genito 230. na-
tus, cum quindecim esset annorum, non tam de-
clinandæ persecutionis Decij & Valeriani, quàm
suaveolenti odore solitudinis illectus, elegit po-
riùs opacam & humilem spelūcam Eremitæ Aegy-
ptiacæ, quam superba palatia Principum inhabi-
tare. Vbi cum per 38. annos de fructibus Palma-

28. Micro-
graphus in vi-
ta S. Pauli Pri-
mi Eremitæ

B rum

*b Vide Suriy
eo. 1. in vi.
tas Pauli.*

*c In Eremitar.
Rom. in felle
ipsius.*

rum vixisset, ^b & 60. annis Coruus dimidium panis illi subministrasset, cursū totius vitæ suæ 113. annis, complens, factus est omnium Eremitarum Auctor & Magister ^c Ecclesiæ sanctæ voce; relinquens ipsis Regulam viuendi non calamo, sed austeritate vitæ suæ descriptam.

§. I I.

HÆC igitur Virga antiquæ Sobolis Paulinæ egit radices suas excedens terminos Ægypti, in Palestina, Syria, & alijs circumuicinis Prouincijs. Quæ postea cælesti rore irrigata, breui tempore creuit in arborem longè, latèq; patentem, plurimis, & vniuerso mundo admirandis, ac saluberrimis fructibus onustam.

§. I I I.

*d S Antonius
in vita San-
cti Pauli.*

EX his, primarius fuit ille Magnus Antonius terror inferni, qui cum Regulam Angelicæ vitæ Sancti Pauli primi Eremitæ vidisset, & legisset, in præsentia suorum discipulorum lacrymabundus exclamauit, ^d Væ mihi peccatori, qui falsum nomen Monachi gero, vidi Eliam, vidi Ioānem in deserto, & verè in Paradiso Paulum vidi. Cuius viuam formam idem S. Antonius volens in se & suis discipulis exprimere, solitariam

erariam vitam in monte faxeo & sublimi, ^{c S. Hieron.} teste S. Hieronymo, instituit, & suos discipulos, antea <sup>in vita San-
cti Hiero-
nis c. 26.</sup> Cœnobitas ab invicem seiunxit, ac certo inter-
uallo cellulas ipsorum distinxit, Vti testatur ^{f S. Athan.} S. Athanasius in vita eiusdem S. Antonij. <sup>in vita Sand-
cti Antonij
apud Suri-
d.</sup>

§. I V.

QUocirca ij Sancti discipuli & Eremitæ ex
Cœnobitis facti, atque à Magno An-
tonio instructi, sparsiq. ad normam
S. Pauli, per multas ætates in diuersis Regionibus
Paulinam Eremum adornarunt, & regulam Ere-
miticam vita, moribusq. S. Pauli Thebæi ex-
pressam successiue continuando, solitariè con-
seruauerunt, ac in tantum numerum in sola Aeg-
yptiaca solitudine primo sæculo suæ ætatis cre-
uerunt, vt ad 3000. aut eo amplius eorum Lu-
cius Arianus per belli duces occidi curauerit,
Prout testatur Ruffinus lib. 2. Quorum nomina <sup>g Ruffinus
lib. 2, Histo-
riæ c. 3</sup>
si scire quispiam velit, non tædeat illum videre
<sup>h Cap. 4. Or-
dinis.</sup> Cap. 4. Historiæ Ordinis, vbi præter S. Anto-
nium, Hilarionem, Pachomium, Paphnutium,
Macarlos, inueniet plurimos alios, quorum
exempla miræ sanctitatis imitetur.

§. V.

Venio in Syriam, quam alij Sanctissimi Eremitæ Paulini, odore bono Christi hoc ipso primo sæculo impleuerunt, inter quos primū locum habuit insignis Publius, qui dæmonem Iuliani decem diebus oratione sua, non aliter quam catenis vinctum & carceratum in Syria detinuit. Plurimi alij sectatores S. Pauli Thebæi eundem vitæ modum solitarium, sed ab omni perturbatione vacuum in Syria exegerunt. Lege Theodoretum, ^k & Annales Eminentissimi Baronii Cardinalis S. R. E. in Anno Domini 370.

[†] Theodoret.
[†] 4. cap. 16.
^k In Annal.
Emin. Baron.
S. R. E. C. in
Anno 370.

§. V I.

Eodem sæculo clarissimum lumen Paulinæ solitudinis in Syria accessit, sanctissimus nimirum Doctor Ecclesiæ D. Hieronymus, qui ingenuè calamo proprio fateatur, se non alium sui Instituti, seu propositi habuisse Auctorem & Magistrum, quam Sanctum Paulum Thebæum, & reliquos eius succellores, ^l Floruit eodem tempore in Syria admirandus Bonosius, Theodosius, Symon Stylites, Aphraates, Iacobus Nisilites, & alij plurimi in cauernis, & speluncis conclusi, solis voluntariis votis, vitæ Paulinæ ibidem alligati, qui propositum semel susceptum æmulanda

^l Hieronymus
Epist. 13.
ad Paulinū.

landi solitariam vitam, & austeritatem Parentis
sui Pauli Thebæi extremo Spiritu consummauerunt.

§. VII.

TO T tantorumq. Virorum Sanctorū Anachoretarum ferax fuit Eremus Paulina primo Sæculo suæ ætatis, reliqua autem sæcula videlicet secundum vsque ad octauum, mihi longum elset scripto texere. & Lectori beneuolo tædiosum tamdiu in breui Epitome Paulinæ solitudinis immorari. ^m Remitto studiosiorem Lectorem ad ^m *Vide Historiam græ-* opus Historiæ ordinis amplè satis ex odoriferis *denis.* Cupressis, Cedris, Rosis, Palmis Eremitæ Paulinæ fabricatum, & diuersis floribus sanctitatis Anachoretarum refertum, ne Lector tædio in legendo afficiatur.

§. VIII.

NVnc mei propositi est, omnibus clarè manifestare, quo Auctore & quo tempore hæc progenies vera ac germana Sancti Pauli Thebæi in Hungariam, Hispaniam, Istriam, Poloniam, Sueciam, Austriam, Silesiam, Galliam, & alias Prouincias diuersorum Regnorum peruenit.

CAPVT SECVNDVM.

*Per quem vita Eremitica in Hungariam
introduc̃ta fuit.*

§. IX.

*in S. Gerar.
dus in Hun.
garia primus
Eremita Pau-
linus: 26. Septe-
bris in Suro.*

PRimus igitur Paulinam Eremum in Hungariã inuexit. ^m S. Gerardus natione Venetus qui sacra loca Hierosolymæ inuifens solitarium genus vitæ successorum S. Pauli Thebæi in illis partibus abundè contemplatus, id ipsum in Hungariam transtulit, & in se ipso expressit vitam Eremiticam primus ad normam S. Pauli Thebæi in Bèel ducens; tempore Sancti Stephani Apostolici Regis Hungariæ ⁿ vt testatur Ioannes de Thurocz in Chronico Hungariæ cap. 40. Secundę partis.

*in Ioannes
de Thurocz
in Chronica
Hungaria c.
40. 2. pars.*

§. X.

SVB idem tempus quinque Fratres Poloni vti sanguine germani, ita solitudinis incolendæ zelo pares, videlicet Benedictus, Ioannes, Matthæus Isaac & Christinus Sancti. ⁿ Adalberti peregrinationis comites, adscito sibi socio nominato Barnaba Eremum Paulinam in vasta solitudine apud Casimiriam maioris Polonię plantauerunt

*23. April.
in Martyr.
Romæ.*

uerunt, ibiq; exemplo Pauli Thebei ab inuicem
sequestrati, in continuis orationibus, Psalmo-
dijs, contemplationibus diuinis, silentio, vigilijs;
& austeritate tanta victus vixerunt, vt non nisi
semel in hebdomada oleribus & aqua, pane non-
numquam adhibito se reficerent. Hi à Boleslao
Chabro pio & Rege Polonorum visitati, ac de-
mum muneribus maximis donati, à latronibus
spe thesauri inueniendi prima vigilia noctis tru-
cidati sunt. ° Anno Domini 1005. & sic æmuli
instituti Eremitarum Aegyptiorū à cultura Ere-
mi Paulinæ in vastis desertis Poloniae desierunt.

o *Quinque
Fratres Era-
mita Pauli-
ni trucidan-
ti 1005,*

§. XI.

Quo terrore perculsi duo insignes viri vide-
licet Andreas Zoerardus & Benedictus
ex Polonia in Regnum Hungariæ trā-
seūtes; memorato S. Gerardo accesserunt: * quo-
rum primus ex Cænobita monasterij Zobor Ere-
mita Paulinus in Nitriensi territorio factus: con-
fessionis merito Angelicis choris adiunctus, piè
existimatur: alter autē discipulus ipsius pro Chri-
sto sanguinem fudisse fertur prope fluuiū VVag-
diū, si credimus P Mauro Episcopo quinque
Ecclesiensi.

o *Zoerardus & Bene-
dictus Pola-
ni accesserunt
S Gerardo
* Vide vi-
tam admira-
bilem utrius-
que SS. in to-
3. Surij die
1. Maij.*

o *Mauro
Episcopus
Quinq. Eccle-
sienfis.*

Horum

§. XII.

Horum exemplo præclarus quidam vir nomine VVaac nuncupatus solitarius primum in quodam deserto circa littus Danubii non longe à Vissegrad, deinde in sylua Pilisfensi confedit, vbi Geiza Rex Hungariæ merito VVaacii à Salomone Rege protectus⁹ VVaaczia Ciuitatem & Basilicam Clementissimæ Dominæ Eremitarum Paulinorum Patronæq; totius Regni Hungariæ celebrem ædificauit. Vide Bonfinium decade secunda lib. 3.

⁹ Rex Geiza
no Ecclesiam
fundat Bon-
finius lib. 1.
de ca de facili
da.

§. XIII.

Non memoro infinitos alios, qui similem vitæ cursum solitarium & dispersum, viuam normam S. Pauli Primi Eremitæ æmulantes ibidem inuenerunt, & partim terni, plures vero singuli, distinctis habitaculis adhæserunt: quorū successores Eremiticū vitæ genus in Claustrale cōmutauerunt, solitarias tamē virtutes sicut cū numine, ita etiā cū nomine S. Pauli primi Eremitæ retinuerunt, idq; in Anno Dñi millesimo ducentesimo decimo quinto^r Quibus Reuerendis. Bartholomæus Episcopus Quinq; Ecclesiæ primū Monasteriū in Hungaria & Ecclesiā S. Iacobi in Patach extruxit, modum viuendi Regulariter præ-

^r fundatur
Claustrum
S. Iacobi.

præscript, & Superiorem ipsorum pro tunc Patrem Anconum titulo Prioris insigniuit.

§. XIV.

HAec dum in Diocæsi Quinq. Ecclesiensi agerentur. interim. ¹ Eusebius Canonicus Strigoniensis motus vita & exemplo Eremitarum Paulinorum Canonicatum in manibus ¹ sui Præsulis resignauit, & in Eremito Pilisensi Archidiecæsis Strigoniensis Paulinam vitam duxit, & cum precibus nocturnis vigilantius in solitudine illa intenderet, habetur in Historia Ordinis, ² vidisse quasdam lucernas in certis locis quæ ab Eremiticis incolebantur, ad quarum splendorem dum dubius hæretet quid nam prælagij ferrent, en omnes illæ lucernæ in vnā & eandem conuenientes maiori lumine tenebricosam Eremitum illuminasse. Tandem orationi feruentius deditus petiisse rei nouitatem sibi aperiri, Vnde habetur ex Historia Ordinis quod audierit: lucernas illas ab inuicem distinctas per Eremitum denotare Eremiticolas, quod sicut illæ lucernæ in vnum coeuntes maiorem effecere claritatem, ita Eremiticolas eosdem maiorem fructum facturos, si vna conuenientes, in vitam Cœnobicam migrarent. Hac occasione Eusebius congregationem, similem priori ex Eremitis in ³ Anno Domini

¹ Eusebius
ex Canonicis
ex se Eremitis

² Eusebius
sine bonis

77
3

*o An. 1195
fundatur Ma-
nasterium S.
Crucei Ense-
bius sit pri-
mus Prouin-
cialis,*

*a S. quique
Thomam de
Aquino inue-
nit in Anna-
libus Eremiti-
arum fuisse
aditorem
Eusebii in
Cur Romano.
u Ab Urbano
IV. Apo-
stolica aucto-
ritate An-
stui Vespri-
miensis Paulo
commendan-
tur Eremita
Paulini,*

*x Paulus
Vespriensis
Antistes Ro-
mana præscri-
bit Eremitis,
qua successor
eius Benedi-
ctus, & de-
mum Lodo-
mericus Ar-
chiepiscopus
Strigoniensis
confirmavit.*

mini 1250. ad S. Crucem adunavit. quæ postea
Congregatio Auctore eodem Eusebio in vici-
cum Patachiana coaluit, & ordinem S. Pauli
primi Eremitæ propagavit. Cuius primus Pro-
vincialis omnium consensu fuit institutus idem
Eusebius, sub cuius regimine plurimi Conuen-
tus Eremitis Claustralibus impleri in Diocæsi
Vesprimiensi consurrexerunt. * Pro quibus
idem Eusebius in Anno Domini 1261. Regulam
S. Augustini ab Urbano IV. expetiit, à quo rele-
gatus est ad Paulum Episcopum Vesprimiensem
cum literis Apostolicis et plena facultate eandem
Regulam S. Augustini Eremitis Paulinis conce-
dendi. dummodo facultates haberent de quibus
sustentari possent. Verum cum non inueneren-
tur tanti prouentus, qui eis sufficerent ad obla-
uantiam dictæ Regulæ, concessionem illius di-
stulit ad vltiora tempora, x Domos autem &
Collegia ipsorum in quibus tunc erant in cultu
Eremitico approbavit & salutaria statuta iuxta
vitam S. Pauli Thebæi ipsis præscripsit in Anno
Domini 1263. Demum omnes qui sub habitu
prædictorum Fratrum Eremitarum ubique loco-
rum inuenti fuissent, renuentes Claustrali iugo
subesse Excommunicationis sententiæ subiecit.

CAPVT TERTIVM.

Eremitis Paulinis in diuersis Prouincijs Monasteria fundantur.

§. X V.

CAeterum inter omnes hos Conuentus Monasterium S. Crucis in Pilisio primatum habuit, & omnibus pro tunc Eremitis ad Cœnobea collectis ^y Eusebius viginti annis in officio Prouincialatus præfuit, ac tandem in Anno Domini 1270 in Eremita ad S. Crucem Spiritum Deo reddidit. ^{y B Euseb. bius moritur. 1270.} Cui successit Benedictus primus discipulus illius, qui insignem probitate quendam Patrem nomine Iliquirinum eodem anno sui Prouincialatus misit in Dalmatiam, ubi prope Patriam ^{z Benedictus fuit Prouincialis.} S. Hieronymi fundauit Monasterium de Dubicza vocatum, ad quod varios Eremitas per solitudinem dispersos congregauit sanctumque Hieronymum Paulinum Eremitam extitisse prædicans in Viros Claustales formauit, tandem Zagrabiam veniens à Venerabili Capitulo ^{a In Patria S. Hieronymi fundatur Monasteriũ.} Monasterium Rhemetense pro suis socijs obtinuit. Idem Pater Benedictus secundus Prouincialis Ordinis Paulinorum destinauit ad partes Istriae Anno Christi 1287. alium Patrem nomine Conradum. ^{b Monasterium Remetense fundatur.}

*In Istia
fundatur
Claustro B.
veneris An
no 129.
d Benedi-
ctus moritur
e Stephanus
oligitur in
Prouinc.
f In Archi-
diecesi Strigo-
nensi mona-
stria fundat-
ur.*

radum Eremitici propositi plurimum tenent
qui ibidem^c aliquot Claustra pro Fratribus Ere-
mitis procurauit.^d Vixit autem Benedictus in
officio Prouincialatus annis decem, & habuit
successorem^e Patrem Stephanum non minori
zelo Paulinæ Reipublicæ promouendæ inflam-
matum, cuius tempore & vigilantia plurima
f Monasteria in Archidiecepsi Strigonienſi cre-
uerunt sub Lodomerico Archiepiscopo.

§. XVI.

*g Fundatur
illud celebra-
rium Mo-
nasterium S.
Laurentij Bu-
dense.*

*k Concedi-
tur eis Regu-
la S. Augusti-
ni 1208.
l Privilegia
Fratribus E.
veneris à Cle-
mente V. con-
cessa.*

HVnc subsecutus pietate & prudentia in re-
genda familia Paulinæ celebris Laurenti-
us Strigonienſis, qui sollicitus de ampliandis
Claustris gregis Eremitici sibi diuinitus commit-
ſi, primum prope Budam Hungarici Regni Me-
tropolim celebre Monasteriū^g S. Laurentij pro-
curauit. Deinde exemplo Eusebij Regulam pro
Fratribus S. August. ab Eminentiſ. Card. Gentili à
Monte Florido pro tunc Legato Apost. à Latere
ſel recordationis Clementis V. ad Regnum Hun-
garix in Anno Domini 1308. expetiit,^k & feli-
citer obtinuit, cum plena facultate Constitutio-
nes condendi, Fratres a quibuluis^l Censuris Ec-
clesiasticis absoluendi, & alijs Ordinationibus
pro salute Animarum statuendis, prout in Do-
mino expedire videretur foret: His omnibus cum
aſtione

actione similium gratiarum, accessit fauorabilis consensus & Confirmatio¹ Sanctissimi Domini nostri Ioannis XXII. ad instantiam Serenissimi Caroli Regis Hungariæ Anno Incarnationis Domini 1343 studio & labore dicti Patris Laurentij, qui postea ex Prouinciali primus^m Generalis Ordinis vnanimi omnium Fratrum suffragio creatus fuit.

¹ Eadem Regula 3. Augustinus d. 10. 21. confirm.

^m P. Laurentius sic post vniuersi Generalis Eremitarum.

§. XVII.

Hic successerunt plurimi alij Generales, sub quorum regimine fuere in sola Hungaria, Croatia, Sclauonia, Dalmatia Istriaⁿ Centum septuaginta circiter Monasteria, bene prouisa, prouinc autem, O conditionem deplorabilem! à Turcis, & alijs Fidei Catholicæ aduersarijs solo adæquata, vt vix vestigiū aliquod, plurimorum præter memoriam in actis Ordinis expressam, extet. ° Quinam viri Illustres, Insulati & explanatores mysteriorum diuinorum ex hoc agmine Eremitico prodierint, relego Lectorem ad Historiam Ordinis.

8346 Corod na Hungaria 170. Monasteria 170. mutati Paulinorum.

° Viri Illustres vide in Annalibus Religiosis.

§. XVIII.

Hinc deinde iidem Eremitæ facti Cœnobitæ in diuersas Regiones à diuersis Principibus

*p. Ene cantur
Eremita in
Poloniam Si-
lesiam à La-
dislao Duce
Opoliensi An-
no 1381.*

bus euocati fuere: *P* Ut in Poloniam & Silesiam occasione Sacrae Imaginis B. Mariæ V. à Diuo Luca depictæ, & in toto Septentrione miraculosissimæ, à Ladislao Duce Opoliensi in Anno Domini 1382. Et in Sueuiam 1344. Anno, gratia Illustriss. Domini Rudolphi Comitis de Hohenberg confede unt: In Austriâ vero 1480. ab Augustissimo Imperatore Friderico III. In Hispaniam, Italiam, Portugalliam & alias Pro- uincias diuersis temporibus liberalitate Principū prodierunt, ubi plurima Monasteria successu tē- poris cum venisset plenitudo beneplaciti diu- ni, augendi domicilia Eremitarum Paulinorum consurrexerunt, quorum plantationes, & Fun- datores, si scire vqlueris, consule Auctorem Hi- storię Ordinis.

§. XIX.

*r. Eremitarū
monasterium
Hierosolymis
teste Iohanne
Zualardo fol
246.*

V Nicum non prætereundum memoratu di- gnum censeo, quod præclarus Ioannes Zualardus Eques Sanctissimi Sepulchri in libro suæ Hierosolomitanae peregrinationis edito An- no 1587 folio 246. annotauit, describens mon- tem Thabor & tria Tabernacula Saluatoris Moy- si, & Eliæ, hæc subiungit immediate, Idiomate, Italico in hæc verba: Fuit etiā magna Ecclesia fa- bricata per Sanctam Helenam cum vno monaste-
rio

rio bene sortito a Serenissimo Rege Hungariae, quod inhabitaret magna multitudo Monachorum Hungarorum Ordinis Sancti Pauli Primi Eremitae. Hinc collige Lector benedice, Successores S. Pauli Thebati plurima habuisse in diuersis Prouincijs Cœnobita, quæ hic non sunt expressa.

§. XX.

Porro institutum primæuum Fratrum eiusdem Ordinis simile fuit cum Patribus Carthusianis, contemptis videlicet omnibus rebus mundanis; & cunctis grauaminibus remotis, contemplatione rerum diuinarum, salutem animæ suæ & soli Deo vacare, ipsius iram, & iustam indignationem, ieiunijs, disciplinis, profundo silentio, Psalmis & Hymnodijs, Vigilijs nocturnis & diurnis, ac alijs macerationibus corporis placare, & ab humano genere perdendo auertere; summa autem deuotione animi Diuinum opus perficere, inferiorem partem in seruitutem Superioris redigendo. Vnde iisdem Eremitæ Paulini. ^f gaudent omnibus Priuilegijs, libertatibus, immunitatibus, & exemptionibus, quibus & Patres Carthusienses, ex concessione Sanctissimi D. N. felicitis recordationis Martini V. de data Constantiæ in Gallia V. Calend. Ianuar.

^f Institutum simile olim cum PP. Carthusianis.

^f iisdem quibus P. Carthusienses gaudent Priuilegijs.

Pon-

Pontificatus sui anno primo, ac aliorum sanctis-
simorum Pontificum.

CAPVT QVARTVM.

*Vitam contemplatiuam actiua temperant, &
suscipiunt curam animarum.*

§. XXI.

*in Anno salu-
tis 1352. cu-
ram anima-
rum suscipiunt.*

Postea concurrente maximo agmine fidelium
pro deuotione & confessione sacramentali
ad dictos Fratres Eremitas, cum priuato pro-
pria perfectionis studio, salutis etiam alienarum cu-
ram ex charitate in ^{no} Anno Domini 1352. sus-
ceperunt, annuente sanctissimo Domino no-
stro Clemente VI. Pontificatus sui Anno X. de
data Auuenione nonis Martij: Item fel. recor.
Martino V. Incarnationis Domin. Anno 1417.
Et Eugenio IV. In Anno Domini 1434. de data
Florentie 3. Calend. Octobris Pontificatus sui
Anno IV. ac alijs summis Pontificibus, ut id ip-
sum institutum vite contemplatiue quod in me-
ditatione sacra suxerunt, & in dies lugere con-
sueuerunt Christi fidelibus per pias exhortatio-
nes, Conciones, Sacramentalem Confessionem,
& administrationem aliorum sacramentorum
abundè sumendum in medelam & refrigerium
ani-

animatum omnium proximorum propinarent,
& in salutem ipsorum incumberent.

§. XXII.

Quod quidem institutum, utriusque vitæ
contemplatiuæ & actiuæ, quam fideliter
dicti Patres exequantur, experientia quo-
tidiana docet. ^x

^x Multa mil-
lia hominum
contem-
poribus concu-
runt ad mo-
nasteria ali-
qua eorum
causa pietatis
& deuotio-
nis, ubi infi-
deles bapti-
zantur &
alii numeroſi
ad ueram ſe-
dem conuer-
tuntur.

§. XXIII.

Hæc Tibi Lector beneuole ſufficiant bre-
uiter ſcripta de antiquitate Originis, &
pietate inſtituti Fratrum Eremitarum Paulino-
rum; & Neq; mireris candidum veſtitum ipſorum
cum utriusq; filij obediētes, Patrem ſuum in omni-
bus actibus interioribus & exterioribus imitari
ſatagunt: quem S. Antonius, teſte S. Hierony-
mo, non alio, quam niueo candore fulgentem
vidit inter Angelorū cateruas, & Prophetarum
ac Apoſtolorum choros in Patriam cæleſtem a-
ſcendere. ^b Cuius Sacraſſimum Corpus, opera
Auguſtiſſimi Emanueſis Conſtantinopolitani
Imperatoris è gremio terræ effoſſum, Conſtan-
tinopolim translatum fuit. ^c In Anno autem
Domini 1240. à piſſimo Iacobo Lancio Ampliſ-
ſimæ & Florentiſſimæ Reipublicæ Venetæ Sena-

^z Quare in
alibi incedit.
^z Viſio S. An-
tonij.

^b Transla-
tum e. v. p. m.
ex Theſſalide
Conſtanti-
nopolim.
^c An. 1240.
ad Venetias.

D toria

toria dignitate & opum splendore alios præcel-
lente, apud Primarios Urbis Constantinopoli-
tanæ obtentum, & Venetias deductum, ex Sè-
natus consulto in Ecclesia S. Iuliani Martyris
honorificè depositum fuerat.

§. XXIV;

*d In Hunga-
riam Anno
1381.*

*e Recondi-
tur in mona-
sterio S. Lau-
rentij Buda.*

*f In Arce
Trenchin cō-
bustum.
g Reliquia-
rum eius par-
ticula Roma,
& uasis pars
ibidem.*

TAndem d Anno reparatæ salutis 381. supra
millesimum sub Serenissimo Rege Hun-
garix Ludouico Budam transportatum, deinde
28. Decembris in Ecclesia e S. Laurentij Fratrum
Eremitarum Filiorum illius; per Eminentissimū
Cardinalem Demetrium & Archiepiscopū Stri-
goniensem repositum, semper integrum māsit.
Ad extremum in communi clade & incendio
Regni Hungariæ ab impijs Sanguinarijs, quis
non ingemiscat & lacrymas eliciat! f in Arce
Trenchin cōbustum Angelis cineres ipsius con-
seruantibus: g excepta vna particula Ossis ipsius
quæ Romæ in Basilica S. Petri asseruatur, & cer-
tis diebus in Anno; cultui fidelum veneranda
exhibetur, & altera quæ in Ecclesia Beatæ Ma-
riæ Virginis de Victoria PP. Carmelitarum ve-
neratur: Particula quoque vestis huius Sancti
quam ex Palmæ folijs sibi contexuerat asserua-
tur Romę in Ecclesia Religiosorum Matris Dei;
Cum quo si partem in Paradiso cælesti habere
cupi-